



ILLVSTRISSIMIS,  
AC MAGNIFICIS DOMINIS DOMINIS  
**GVBERNATORIBVS**  
**CIVITATIS IMPERIALIS**  
BISVNTINÆ, semper Liberæ, &c.

**I**VCVRATIONES hæ Theologicæ Alumni  
Quondam vestri , ac Fratris nostri Opus  
Posthumum , sed maturum , Perenne quod-  
dam nostræ monumentum gratitudinis , ve-  
stræ debentur Fortitudini Trophæum , Ana-  
themæ Pietati , fertum , & Corona Sapientiæ ,  
vni obsequium reddituræ , tributum alteri ,  
ab omnibus patrocinium sperantes ; vestris  
ambiunt per Orbem volare cum Aquilis , &  
firmamentum à columnis inexpugnabile mutuari .

Vestræ Fortitudinis nescit originem , qui peruetusta , sed numquam *Fortitudo.*  
marcentia vestra ignorat decora . Gallorum Imperio , Prior Dominatus  
vester , imò & ipsa Antiquior Roma Vezuntio , quam vetusti Codices  
Bizuntini , quadringentis annis ante Romam conditam testantur , &  
notissimam Chrysopolim appellant , nec inferior militari Gloria , quæ  
prior origine , aut minus Martia , quia vetustior ; renouauit enim in dies  
iuuentutem suam Aquilæ vestræ , nesciunt annis minorari , sed crescere ,  
hinc illi decantatissimi versus , in armamentario vestro

*Martia Romulidum senior Vezontio Gente ,*

*Magnanimos habui Martis in arte viros.*

*Nondum Casar eras , nec Lilia Sceptra gerebant ,*

*Cum cœsit insis , Sequana terra meis .*

Fuit & virtutis æmula , quæ antiquitate nobilior : hinc celeberrima in ea ,  
qualia cernuntur Romæ , quæ Pantheon , Campus Martius , Campūisque  
Mineruæ dicta sunt , vt Pietatem , Sapientiam , ac Disciplinæ Militaris  
Gloriæ , ab origine vestris inditam posteri intelligent ; hinc Maioribus